



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Broj: 02-11-4-826

Datum: 02.02.2026. godine

Na osnovu člana 23. stav (3) tačka a) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19, 31/19 i 39/20), u vezi člana 4. i 6. Poslovnika o radu Komisije Uprave policije MUP-a Kantona Sarajevo za izvršenje odluka o postupanju sa privremeno oduzetim predmetima broj: 02/5-1-30-1-8708-2 od 12.01.2026. godine, te člana 15. stav (3) Uredbe o smještaju, čuvanju i postupanju sa privremeno oduzetim predmetima od strane policijskih službenika Uprave policije Ministarstva unutrašnjih poslova Kantona Sarajevo ("Službene novine Kantona Sarajevo", br. 42/2019, 33/2021, 34/2021 i 44/2025), Uprava policije Ministarstva unutrašnjih poslova Kantona Sarajevo objavljuje:

JAVNI OGLAS

za prikupljanje ponuda za izbor najpovoljnijeg ponuđača za uništenje motornih vozila i ostalih privremeno oduzetih predmeta i otkup korisnih otpadaka i ostataka predmeta uništenja

OPŠTI PODACI

1. Podaci o ugovornom organu

Ministarstvo unutrašnjih poslova Kantona Sarajevo – Uprava policije

Adresa: La Benevolencija br. 16

IDB/JIB: 4200220350146

Telefon: 033/286-740

Faks: 033/655-917

Web adresa: www.mup.ks.gov.ba

2. Podaci o osobama zaduženim za kontakt

Kontakt osobe: Omanović Nedžad

Telefon: 033/286-959

Faks: 033/655-917

E-mail: tehnicko.usluzni.poslovi.odrzavanje.mv@mup.ks.gov.ba

PODACI O JAVNOM OGLASU

3. Predmet Javnog oglasa

Predmet ovog Javnog oglasa je prikupljanje ponuda za izbor najpovoljnijeg ponuđača za uništenje motornih vozila i ostalih privremeno oduzetih predmeta i otkup korisnih otpadaka i ostataka predmeta uništenja za potrebe Uprave policije Ministarstva unutrašnjih poslova Kantona Sarajevo.

Predmetni postupak obuhvata:

- Preuzimanje motornih vozila i ostalih privremeno oduzetih predmeta sa lokacije na kojoj su smješteni sa usputnim kamionskim prevozom.

- Proces uništenja
- Izdvajanje korisnih otpadaka i ostataka predmeta uništenja i njihovo vaganje.
- Otkup korisnih otpadaka i ostataka predmeta uništenja
- Izdavanje Potvrde o uništenom predmetu.

Komisija Uprave policije Ministarstva unutrašnjih poslova Kantona Sarajevo za izvršenje odluka o postupanju sa privremeno oduzetim predmetima će sa izabranim ponuđačem izvršiti primopredaju predmetnih vozila, te sačiniti zapisnik o primopredaji.

Prilikom primopredaje predmeta, Komisije će izvršiti fotografisanje vozila, te sačiniti zapisnik o primopredaji.

Nakon preuzimanja predmeta, izabrani ponuđač snosi materijalnu odgovornost za preuzeta vozila sve do momenta uništenja.

Komisija će prisustvovati postupku uništenja svakog vozila ili drugog predmeta, vršiti nadzor nad uništenjem te po okončanju postupka uništenja sačiniti zapisnik o nadzoru.

4. Obilazak lokacije na kojoj su smještena vozila

Obilazak lokacije na kojoj su smještena vozila za uništenje organizovat će se prije isteka roka za dostavljanje ponuda a na zahtjev zainteresovanih ponuđača.

Za obilazak lokacije na kojoj su smještena motorna vozila za uništenje potrebno je kontaktirati osobu navedenu u tački 2. ovog Javnog oglasa.

USLOVI ZA PRIJAVU

5. Ponuđač koji se prijavljuje na predmetni Javni oglas mora ispuniti uslove i to:

- a) da je registrovan za obavljanje djelatnosti koja je predmet ovog Javnog oglasa;
- b) da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- c) da nije pod stečajem i/ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan
- d) da je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- e) da je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan;
- f) da posjeduje važeću vodnu dozvolu izdatu od strane nadležnog organa;
- g) da posjeduje važeću okolinsku dozvolu izdatu od strane nadležnog organa;
- h) da posjeduje važeću dozvolu za upravljanjem otpadom izdatu od strane nadležnog organa;
- i) da ima na raspolaganju, u vlasništvu ili po nekom drugom pravnom osnovu baždarenu kolsku vagu sa mogućnošću elektronskog ispisa odvagnog lista;
- j) da posjeduje važeću dozvolu za upravljanje elektronskim i elektroničkim otpadom;
- k) da posjeduje specijaliziranu opremu za uništavanje vozila (makaze ili Shredder pogon).

PODACI O PONUDI

6. Sadržaj ponude i način pripreme ponude

Ponuda se zajedno sa pripadajućom dokumentacijom priprema na jednom od službenih jezika u Bosni i Hercegovini, na latiničnom ili ćiriličnom pismu. Pri pripremi ponude ponuđač se mora pridržavati zahtjeva i uslova iz Javnog oglasa.

Ponuda se izrađuje na način da čini cjelinu i mora biti napisana neizbrisivom tintom.

Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke.

Ponude koje nisu u skladu sa ovim Javnim oglasom, odnosno ponude u kojima se ne dostavi sva dokumentacija tražena tačkom 7. ovog Javnog oglasa će biti odbačene kao neprihvatljive.

7. Ponuda mora sadržavati:

- a) Obrazac za ponude – Aneks I;
- b) Obrazac za cijenu ponude - Aneks II;
- c) Nacrt Ugovora – Aneks III;
- d) Rješenje o upisu u sudski registar, aktuelni izvod iz sudskog registra ili ekvivalentan dokument iz kojeg je vidljivo da ima pravo da se bavi djelatnošću koja je predmet javnog oglasa (original ili ovjerena kopija);
- e) Uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca u skladu sa važećim propisima u Bosni i Hercegovini ili zemlji u kojoj je registrovan (**potrebno je da kandidati/ponuđači kumulativno dostave potvrdu Suda BiH i potvrdu općinskog suda prema sjedištu pravnog lica, odnosno kandidata/ponuđača**);
- f) Uvjerenje nadležnog suda ili organa uprave kod kojeg je registriran kandidat/ponuđač kojim se potvrđuje da nije pod stečajem ili nije predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- g) Uvjerenje nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje;
- h) Uvjerenje nadležne/ih institucija o uredno izmirenim obavezama po osnovu direktnih i indirektnih poreza;
- i) Ovjerena kopija važeće vodne dozvole izdate od strane nadležnog organa;
- j) Ovjerena kopija važeće okolinske dozvole izdate od strane nadležnog organa;
- k) Ovjerena kopija važeće dozvole za upravljanjem otpadom izdate od strane nadležnog organa;
- l) Dokaz da ponuđač ima na raspolaganju baždarenu kolsku vagu sa mogućnošću elektronskog ispisa odvagnog lista (kopija upotrebne dozvole ako je vaga u vlasništvu ponuđača, te kopija upotrebne dozvole i ugovor o iznajmljivanju ako je vaga iznajmljena);
- m) Pismena izjava ponuđača o prihvatanju predmeta uništenja u zatečenom stanju, što isključuje sve naknadne reklamacije (formu izjave propisuje ponuđač);
- n) Pismena izjava ponuđača da su u ponuđenu cijenu uračunati troškovi prevoza i uništenja vozila, te da ponuđač neće imati nikakvih potraživanja na ime troškova prevoza, uništenja vozila i drugih predmeta ili bilo kojih drugih troškova (formu izjave propisuje ponuđač);
- o) Ovjerena kopija važeće dozvole za upravljanje elektronskim i elektroničkim otpadom,
- p) Pismena izjava da posjeduje specijaliziranu opremu za uništavanje vozila (formu izjave propisuje ponuđač).

Svi dokumenti koje izdaje ponuđač, kao i priloge ovog Javnog oglasa potpisuje lice ovlašteno za zastupanje ponuđača (prema izvodu iz sudskog registra) ili drugo lice zaposleno kod ponuđača na osnovu punomoći koja u tom slučaju mora biti dostavljena uz ponudu u originalu ili ovjerenoj kopiji.

8. Način dostavljanja ponuda

Ponuda, bez obzira na način dostavljanja, mora biti zaprimljena u ugovornom organu, na adresi navedenoj u tački 1. ovog Javnog oglasa, do datuma i vremena navedenog u Javnom oglasu. Sve ponude zaprimljene nakon tog vremena su neblagovremene i kao takve, neotvorene će biti vraćene ponuđaču.

Ponuda se dostavlja u originalu i jednoj kopiji, na kojima će čitko pisati „ORIGINAL PONUDE“ i „KOPIJA PONUDE“. Kopija ponude sadrži sva dokumenta koja sadrži original. U slučaju razlike između originala i kopije ponude, vjerodostojan je original ponude. **U kopiji ponude moraju biti vidljive ovjere dokumenata sa poledine ukoliko se dostavljaju ovjerene kopije.** Kopija ponude se dostavlja zajedno sa originalom u jednoj koverti ili u dvije odvojene koverta koje su opet upakovane u jednu zajedničku kovertu.

Ponude se predaju na protokol Ugovornog organa ili putem pošte, na adresu Ugovornog organa, u zatvorenoj koverti na kojoj, mora biti navedeno:

- naziv i adresa Ugovornog organa
- naziv i adresa ponuđača u lijevom gornjem uglu koverta
- naznaka „NE OTVARAJ“

Koverta sa ponudom se dostavlja na adresu Ugovornog organa

MINISTARSTVO UNUTRAŠNJIH POSLOVA KANTONA SARAJEVO – UPRAVA POLICIJE
La Benevolencija br. 16
71000 Sarajevo

Sa naznakom PONUDA ZA USLUGE UNIŠTENJA MOTORNIH VOZILA I OSTALIH
PRIVREMENO ODUZETIH PREDMETA I OTKUP KORISNIH OTPADAKA I OSTATAKA
PREDMETA UNIŠTENJA

(Original + 1 kopija)

BROJ I DATUM JAVNOG OGLASA

„NE OTVARAJ“

Na zadnjoj strani koverta ponuđač je dužan da navede sljedeće:

Naziv i adresa ponuđača /grupe ponuđača

Napomena:

Ponuda se čvrsto uvezuje (**ukoričena u knjigu ili uvezana jamstvenikom**) na način da se onemogućí naknadno vađenje ili umetanje listova. Ako je ponuda izrađena u dva ili više dijelova, svaki dio se čvrsto uvezuje na način da se onemogućí naknadno vađenje ili umetanje listova.

Stranice (listovi) ponude se označavaju brojem na način da je vidljiv redni broj stranice (lista). Kada je ponuda izrađena od više dijelova, stranice (listovi) se označavaju na način da svaki slijedeći dio započinje rednim brojem kojim se nastavlja redni broj stranice (lista) kojim završava prethodni dio. Ako sadrži štampanu literaturu, brošure, kataloge koji imaju originalno numerisane brojeve, onda se ti dijelovi ponude ne numerišu dodatno.

Ponuda neće biti odbačena ukoliko su stranice (listovi) ponude numerisani na način da je obezbjeđen kontinuitet numerisanja, te će se smatrati manjim odstupanjem koje ne mijenja, niti se bitno udaljava od karakteristika, uslova i drugih zahtjeva utvrđenih u Javnom oglasu.

Sve stranice (listovi) ponude moraju biti numerisane i parafirane.

9. Način određivanja cijene ponude

Cijena ponude se piše brojevima i slovima.

U cijeni ponude se obavezno navodi cijena ponude (bez PDV-a) po kilogramu korisnog otpatka i ostatka predmeta uništenja.

Cijena uključuje sve zavisne troškove (kao npr. utovar, prevoz, špeditorske usluge, istovar i sl.) i pripadajuće poreze. Strani ponuđač je dužan u ponudi navesti PDV zastupnika u Obrascu za cijenu ponude.

10. Valuta ponude

Cijena ponude se izražava u konvertibilnim markama (BAM).

11. Kriterij za dodjelu ugovora

Ugovor se zaključuje sa ponuđačem koji ispunjava uslove propisane u predmetnom Javnom oglasu i koji ponudi najpovoljnije ocijenjenu prihvatljivu ponudu za uništenje i otkup korisnih otpadaka i ostatka predmeta uništenja.

Najpovoljnijom ponudom će se smatrati ona ponuda koja ispunjava uslove u predmetnom Javnom oglasu i u kojoj je ponuđena najviša cijena po kg korisnih otpadaka i ostatka uništenja.

Cijena ponude obuhvata troškove prevoza, troškove uništenja i druge troškove koje ponuđač ima u postupku uništenja, kao i otkupnu vrijednost korisnih otpadaka i ostataka.

12. Jezik i pismo ponude

Ponuda se dostavlja na jednom od službenih jezika u Bosni i Hercegovini, na latiničnom ili ćirilicnom pismu. Sva ostala dokumentacija uz ponudu mora biti na jednom od službenih jezika u Bosni i Hercegovini.

13. Rok važenja ponude

Rok važenja ponude je 90 dana računajući od momenta isteka roka za prijem ponuda. Ukoliko ponuđač u ponudi ne navede rok važenja ponude, onda se smatra da je rok važenja ponude onaj koji je naveden u Javnom oglasu.

Period važenja ponude ne može biti kraći od roka navedenog u Javnom oglasu.

Ugovorni organ zadržava pravo da pismenim putem traži saglasnost za produženje roka važenja ponude. Ukoliko ponuđač ne dostavi pismenu saglasnost, smatra se da je odbio zahtjev ugovornog organa, te se njegova ponuda ne razmatra u daljem toku postupka.

OSTALE INFORMACIJE

14. Mjesto, datum i vrijeme za prijem ponuda

Ponude se dostavljaju na način definisan u tački 8. ovog Javnog oglasa i to u:

MINISTARSTVO UNUTRAŠNJIH POSLOVA KANTONA SARAJEVO - UPRAVA POLICIJE

La Benevolencija br. 16

71000 Sarajevo

Soba broj: 7, Pisarnica

Rok za prijem ponuda: do 20.02.2026. godine

Vrijeme do kada se primaju ponude: 14:00 sati

Svaka blagovremeno dostavljena ponuda upisuje se u zapisnik o zaprimanju ponuda te dobiva redni broj prema redoslijedu zaprimanja. Ako je dostavljena izmjena i/ili dopuna ponude, ona se upisuje u zapisnik o zaprimanju ponuda te dobiva redni broj prema redoslijedu zaprimanja. Ponuda se u tom slučaju smatra zaprimljenom u trenutku zaprimanja posljednje izmjene i/ili dopune ponude. Na omotnici ponude upisuje se datum i vrijeme zaprimanja, te redni broj ponude prema redoslijedu zaprimanja, sa prijemnim pečatom zaprimanja.

Kada ponuđač neposredno dostavlja ponudu, izmjenu i/ili dopunu ponude, odnosno pisanu izjavu o odustajanju od dostavljene ponude ugovorni organ mu je obavezan o tome izdati potvrdu. Potvrda

sadrži najmanje podatke o ugovornom organu, ponuđaču, predmetu za koji se odnosi ponuda, izmjena i/ili dopuna ponude, odnosno pisanu izjavu o odustajanju od dostavljene ponude te datumu i vremenu zaprimanja.

Ponuda, bez obzira na način dostave, mora biti zaprimljena na adresu ugovornog organa naznačenu u Javnom oglasu, do datuma i vremena navedenog u Javnom oglasu.

Ponuda dostavljena nakon isteka roka za dostavu ponuda ne upisuje se u zapisnik o zaprimanju ponuda, ali se evidentira kod ugovornog organa kao zakašnjela ponuda, obilježava se kao zakašnjela te neotvorena vraća pošiljaocu bez odgode.

Do trenutka otvaranja ponuda nije dopušteno davanje informacija o zaprimljenim ponudama.

Ponude zaprimljene nakon isteka roka za prijem ponuda se vraćaju neotvorene ponuđačima.

Ponuđači koji ponude dostavljaju poštom preuzimaju rizik ukoliko ponude ne stignu do krajnjeg roka utvrđenog Javnim oglasom.

15. Mjesto, datum i vrijeme otvaranja ponuda

MINISTARSTVO UNUTRAŠNJIH POSLOVA KANTONA SARAJEVO – UPRAVA POLICIJE
Zmaja od Bosne br. 9. Sala za sastanke I sprat.

71000 Sarajevo

Datum i vrijeme otvaranja ponuda pristiglih do krajnjeg roka za prijem ponuda: 20.02.2026. godine u 15:00 sati.

DODATNE INFORMACIJE

16. Trošak pripreme i podnošenja ponude

Trošak pripreme ponude i podnošenja ponude u cjelini snosi ponuđač.

17. Izmjena, dopuna i povlačenje ponuda

Do isteka roka za prijem ponuda, ponuđač može svoju ponudu izmijeniti ili dopuniti uz uslov da u posebnoj koverti i na isti način navede sve podatke sadržane u tački 13. i 14. Javnog oglasa, te dostavi na adresu:

MINISTARSTVO UNUTRAŠNJIH POSLOVA KANTONA SARAJEVO – UPRAVA POLICIJE
La Benevolencija br. 16

71000 Sarajevo

PONUDA ZA USLUGE UNIŠTENJA MOTORNIH VOZILA I OSTALIH PRIVREMENO
ODUZETIH PREDMETA I OTKUP KORISNIH OTPADAKA I OSTATAKA PREDMETA
UNIŠTENJA

IZMJENA/DOPUNA PONUDE

BROJ I DATUM JAVNOG OGLASA

„NE OTVARAJ“

Na zadnjoj strani omotnice ponuđač je dužan da navede sljedeće:

Naziv i adresa ponuđača

Ponuđač može do isteka roka za prijem ponuda odustati od svoje ponude, na način da dostavi pisanu izjavu da odustaje od ponude, uz obavezno navođenje predmeta Javnog oglasa, i to najkasnije do roka za prijem ponuda.

Ponuda se ne može mijenjati, dopunjavati, niti povući nakon isteka roka za prijem ponuda.

18. Ostale odredbe

Uprava policije Ministarstva unutrašnjih poslova Kantona Sarajevo zadržava pravo da u slučaju promijenjenih okolnosti poništi Javni oglas i sve sprovedene radnje u bilo kojoj fazi postupka.

PRILOZI KOJI SU SASTAVNI DIO JAVNOG OGLASA

- Obrazac za ponudu – Aneks I
- Obrazac za cijenu ponude sa tehničkim specifikacijama – Aneks II
- Nacrt Ugovora – Aneks III

POLICIJSKI KOMESAR
Generalni inspektor policije

Fatmir Hajdarević

DOSTAVITI:

- Komisiji Uprave policije MUP-a Kantona Sarajevo za izvršenje odluka o postupanju sa privremeno oduzetim predmetima – predsjedniku,
- Sektoru za materijalno - finansijske poslove,
- Web stranici MUP-a KS,
- a/a.

OBRAZAC ZA PONUDU
UNIŠTENJE MOTORNIH VOZILA I OSTALIH PRIVREMENO ODUZETIH
PREDMETA I OTKUP KORISNIH OTPADAKA I OSTATAKA PREDMETA UNIŠTENJA

UGOVORNI ORGAN

MINISTARSTVO UNUTRAŠNJIH POSLOVA KANTONA SARAJEVO – UPRAVA POLICIJE
 La Benevolencija br. 16
 71000 Sarajevo

PONUĐAČ* _____
 (Upisuje se naziv ponuđača i ID broj ponuđača)

Adresa ponuđača: _____

Broj ponude: _____

KONTAKT OSOBA (za konkretnu ponudu)

Ime i prezime	
Adresa	
Telefon	
Faks	
E-mail	

IZJAVA PONUĐAČA*

U postupku Javnog oglasa, koju ste pokrenuli i koji je objavljen na web stranici MUP-a Kantona Sarajevo, dostavljamo ponudu i izjavljujemo slijedeće:

1. U skladu sa sadržajem i zahtjevima Javnog oglasa, ovom izjavom prihvatamo odredbe Javnog oglasa u cijelosti, bez ikakvih rezervi ili ograničenja.
2. Ovom ponudom odgovaramo zahtjevima iz Javnog oglasa u skladu sa uslovima utvrđenim u Javnom oglasu, kriterijima i utvrđenim rokovima, bez ikakvih rezervi ili ograničenja.
3. **Cijena po 1 kg korisnih otpadaka i ostataka predmeta uništenja je _____**
(slovima: _____) KM bez PDV-a

U prilogu se nalazi i obrazac za cijenu naše ponude, koji je popunjen u skladu sa zahtjevima iz Javnog oglasa. U slučaju razlika u cijenama iz ove Izjave i Obrasca za cijenu ponude, relevantna je cijena iz obrasca za cijenu ponude.

5. Ova ponuda važi (***broj dana ili mjeseci se upisuju i brojčano i slovima***, a u slučaju da se razlikuju, validan je rok važenja ponude upisan slovima), računajući od isteka roka za prijem ponuda, tj. do [____/____/____] (datum). _____ (slovima)

Ime i prezime osobe koja je ovlaštena da predstavlja ponuđača: [_____]

Potpis ovlaštene osobe: [_____]

Mjesto i datum: [_____]

Pečat preduzeća:

Uz ponudu je dostavljena sljedeća dokumentacija:

[*Popis dostavljenih dokumenata, izjava i obrazaca sa nazivima istih*]

(upisati u nastavku)

-
-
-
-
-
-
-
-
-
-
-

M.P.

Ovlašteno lice ponuđača

(ime i prezime)

(potpis)

OBRAZAC ZA CIJENU PONUDE
UNIŠTENJE MOTORNIH VOZILA I OSTALIH PRIVREMENO ODUZETIH PREDMETA I
OTKUP KORISNIH OTPADAKA I OSTATAKA PREDMETA UNIŠTENJA

Naziv ponuđača: _____

Ponuda br. _____

Datum: _____

R. br:	Opis usluge	Jedinica mjere	Cijena ponude po jedinici mjere(kg)
1.	Uništenje motornih vozila i ostalih privremeno oduzetih predmeta i otkup korisnih otpadaka i ostataka predmeta uništenja	Kg korisnih otpadaka i ostataka predmeta uništenja	

Slovima: _____

Potpis ponuđača _____

Napomena:

1. Cijene moraju biti izražene u KM. Za svaku stavku u ponudi mora se navesti cijena.

2. Cijena ponude se iskazuje bez PDV-a .

3.. U ponuđenu cijenu treba biti uključen troškovi prevoza motornih vozila do mjesta uništenja, troškovi uništenja motornih vozila i drugi troškovi koje ponuđač ima u toku postupka uništenja kao i otkupnu vrijednost korisnih otpadaka i ostataka motornih vozila koja se uništavaju. (po kilogramu).

4. Rok preuzimanja vozila je: tri dana od usmenog dogovora sa Komisijom.

5. Rok uništenja preuzetih vozila je: pet dana nakon preuzimanja vozila.

NACRT UGOVORA

O UNIŠTENJU MOTORNIH VOZILA I OSTALIH PRIVREMENO ODUZETIH PREDMETA I OTKUP KORISNIH OTPADAKA I OSTATAKA PREDMETA UNIŠTENJA

Strane u ugovoru:

1. **MINISTARSTVO UNUTRAŠNJIH POSLOVA KANTONA SARAJEVO –
UPRAVA POLICIJE**, La Benevolencija br. 16, kojeg zastupa policijski komesar
Generalni inspektor policije Fatmir Hajdarević, (u daljem tekstu: Ugovorni organ)
2. _____, ID broj:
_____ kojeg zastupa _____, (u daljem
tekstu: Izvršilac)

Član 1.

Predmet ovog ugovora je uništenje motornih vozila i ostalih privremeno oduzetih predmeta i otkup korisnih otpadaka i ostataka predmeta uništenja shodno ponudi ponuđača broj _____ od _____ 2026. godine

Usluga uništenja motornih vozila i ostalih privremeno oduzetih predmeta i otkup korisnih otpadaka i ostataka obuhvata:

- Preuzimanje motornih vozila i ostalih privremeno oduzetih predmeta sa lokacija na kojima se nalaze,
- Prevoz do mjesta uništenja;
- Uništenje motornih vozila i ostalih privremeno oduzetih predmeta;
- Izdvajanje korisnih otpadaka i ostataka predmeta uništenja i njihovo vaganje;
- Otkup korisni otpadaka i ostataka predmeta uništenja;
- Izdavanje Potvrde o uništenom predmetu.

Ugovor se zaključuje u skladu sa uslovima iz Javnog oglasa i ponudom Izvršioca.

Ponuda broj _____ od _____ sastavni je dio ovog ugovora.

Član 2.

Izvršilac je obavezan da po okončanju postupka uništenja vozila Ugovornom organu uplati naknadu u iznosu od _____ KM (slovima: _____) bez PDV-a po 1 kg korisnih otpadaka i ostataka predmeta uništenja shodno ponudi Izvršioca.

Uplatu ugovorene naknade Izvršilac će izvršiti u roku od 30 dana od dana okončanja postupka uništenja vozila na račun Ugovornog organa.

Cijena obuhvata troškove prevoza motornih vozila, troškove uništenja i druge troškove koje izvršilac ima u postupku uništenja kao i otkupnu vrijednost korisnih otpadaka i ostataka.

Član 3.

Izvršilac se obavezuje da će preuzeti vozila koja su predmet uništenja sa lokacije na kojoj se vozila nalaze u roku od tri dana od usmenog dogovora sa Komisijom.

Primopredaju predmetnih vozila ispred Ugovornog organa izvršit će Komisija za izvršenje odluka o postupanju sa privremeno oduzetim vozilima, a o čemu će se sastaviti Zapisnik.

Prilikom primopredaje predmeta, Komisije će izvršiti fotografisanje vozila, te sačiniti zapisnik o primopredaji.

Od momenta preuzimanja vozila, Izvršilac odgovara i snosi materijalnu odgovornost za preuzeta vozila sve do momenta uništenja.

Član 4.

Izvršilac se obavezuje da će uništenje vozila i drugih predmeta izvršiti najkasnije u roku od 5 (pet) dana, računajući od dana preuzimanja istih.

Nakon preuzimanja vozila, a neposredno prije procesa uništenja Komisija Uprave policije Ministarstva unutrašnjih poslova Kantona Sarajevo za izvršenje odluka o postupanju sa privremeno oduzetim predmetima će fotografisati svako vozilo, nakon toga će Izvršilac početi proces uništenja.

Korisni otpad koji nastane prilikom uništenja će biti predmet vaganja, a na osnovu ispisa odvage će Uprava policije Ministarstva unutrašnjih poslova Kantona Sarajevo izdati fakturu.

Ugovorne strane su saglasne da privremeno oduzeti predmeti do 20 kg, neće biti predmet vaganja, te je za iste potrebno izdati samo potvrdu o uništenju.

Član 5.

Nadzor nad uništenjem motornih vozila ispred Ugovornog organa vršit će Komisija za izvršenje odluka o postupanju sa privremeno oduzetim vozilima.

Komisija za izvršenje odluka o postupanju sa privremeno oduzetim vozilima će prisustvovati postupku uništenja motornih vozila te o tome sačiniti Zapisnik o nadzoru nad uništenjem motornih vozila.

Član 6.

Izvršilac se obavezuje da će predmetne usluge vršiti stručno, profesionalno i u skladu sa standardima za tu vrstu posla.

Izvršilac je dužan naknaditi štetu koja nastupi iz djelovanja ili propuštanja Izvršioca u izvršavanju ovog ugovora.

U svrhu zaštite zdravlja i životne sredine, Ugovorni organ zadržava pravo da obavijesti i druge nadležne organe radi prisustva postupku uništenja.

Član 7.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa, uvoza i izvoza) i sl.

Strana u ugovoru pogođena višom silom odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 8.

Ugovorni organ zadržava pravo raskida ugovora ukoliko usluga u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Izvršioca. Ugovorne strane su saglasne da svaka strana može jednostrano raskinuti ovaj ugovor i zadržati pravo na naknadu štete zbog raskidanja ugovora u slijedećim slučajevima:

- ako Izvršilac kasni sa izvršenjem, a zakašnjenje nije posljedica vanrednih okolnosti (više sile);
- ako Izvršilac dođe u situaciju da ne može ispoštovati ugovor (stečaj, likvidacija i sl.);
- ako neka od ugovornih strana svoje dospjele obaveze ne ispuni ni u naknadno prihvatljivom roku za sve ugovorne strane;
- ako je iz okolnosti posla jasno da jedna od ugovornih strana neće moći ispuniti svoju obavezu i onda kada bilo koja ugovorna strana izjavi da svoju obavezu neće ispuniti.

Obavještenje o jednostranom raskidu ugovora mora se dostaviti drugoj ugovornoj strani isključivo u pismenom obliku.

Član 9.

Na ostala prava i obaveze ugovornih strana, koja nisu regulisana ovim Ugovorom primjenjivat će se odredbe Zakona o obligacionim odnosima.

Član 10.

Eventualno nastale sporove pri realizaciji ovog ugovora, Ugovorne strane će rješavati sporazumno, u duhu dobrih poslovnih odnosa i međusobnog povjerenja.

U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.

Član 11.

Ovaj Ugovor se zaključuje na period od 24 mjeseca, a stupa na snagu danom obostranog potpisivanja.

Član 12.

Ovaj ugovor izrađen je u 4 (četiri) istovjetna primjeraka, od kojih Ugovorni organ zadržava 2 (dva), te Izvršilac 2 (dva) primjerka.

IZVRŠILAC

Direktor

UGOVORNI ORGAN

Policijski komesar

Generalni inspektor policije

Fatmir Hajdarević

Broj: _____

Datum: _____ godine

Broj: _____

Datum: _____ godine

Napomena: Konačni tekst ugovora ugovorne strane će precizirati nakon odabira najpovoljnijeg ponuđača/izvršioca. Svojim potpisom i pečatom ponuđač potvrđuje da je upoznat sa osnovnim elementima ugovora i da iste prihvata.